

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



Islahijet b.b., telefon 049 218-220, faks 049 218-438
Ислахијет б.б., телефон 049 218-220, факс 049 218-438
www.revizija-bd.ba

Broj:01-02-03-13-281/14
R: 04-05; 011-05;013-05/14

**IZVJEŠTAJ
O REVIZIJI FINANSIJSKOG POSLOVANJA
Policije Brčko distrikta BiH
za period 1. 1. - 31. 12. 2013. godine**

Brčko, juni 2014. godine

SADRŽAJ

NEOVISNO REVIZORSKO MIŠLJENJE.....	3
REZIME DATIH PREPORUKA.....	5
NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA POLICIJE BRČKO DISTRIKTA BIH ZA 2013. GODINU	6
1. UVOD.....	6
2. OPĆI DIO.....	6
3. PREDMET, CILJ I OBIM REVIZIJE.....	7
4. OSVRT NA NALAZE I IMPLEMENTACIJA PREPORUKA REVIZIJE FINANSIJSKOG POSLOVANJA ZA 2012. GODINU.....	7
5.1 RUKOVODSTVO I SISTEM INTERNIH KONTROLA	7
5.2. PLANIRANJE I IZVRŠENJE TEKUĆEG BUDŽETA.....	8
5.3. NABAVKA PO DIREKTNOM SPORAZUMU.....	9
5.4. PLANIRANJE I IZVRŠENJE KAPITALNOG BUDŽETA.....	9
5.5. POPIS SREDSTAVA	10
6. KOMENTAR.....	10
PRILOZI.....	12

Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH



Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ



Islahijet b.b., telefon 049 218-220, faks 049 218-438
Ислахијет б.б., телефон 049 218-220, факс 049 218-438
www.revizija-bd.ba

MENADŽMENTU POLICIJE BRČKO DISTRIKTA BiH

NEOVISNO REVIZORSKO MIŠLJENJE

Predmet revizije

Izvršili smo reviziju finansijskog poslovanja Policije Brčko distrikta BiH (u daljnjem tekstu: Policija) za period **1. 1. – 31. 12. 2013.** godine, te reviziju usklađenosti poslovanja sa važećim zakonskim i drugim relevantnim propisima.

Odgovornost rukovodstva

Šef Policije je odgovoran za finansijsko poslovanje Policije i usklađenost poslovanja sa važećim zakonskim i drugim relevantnim propisima. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje nastanka materijalno značajnih grešaka u finansijskom poslovanju Policije.

Odgovornost revizora

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, broj 40/08) i Međunarodnim standardima vrhovnih revizijskih institucija – ISSAI (Službeni glasnik Brčko distrikta BiH, broj 11/11). Ovi standardi nalažu da radimo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne pogreške, te da je poslovanje usklađeno sa važećim zakonskim i drugim relevantnim propisima.

Revizija uključuje sprovođenje postupka u cilju pribavljanja revizorskih dokaza o usklađenosti finansijskog poslovanja. Izbor postupka je zasnovan na revizorskom prosuđivanju, uključujući procjenu rizika materijalno značajnih pogrešaka u finansijskom poslovanju. Prilikom procjene rizika, revizor razmatra interne kontrole koje su relevantne za finansijsko poslovanje, u cilju osmišljavanja revizorskih postupaka koji su odgovarajući u datim okolnostima, ali ne u cilju izražavanja odvojenog mišljenja o efektivnosti internih kontrola.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

Pozitivno mišljenje

Po našem mišljenju u finansijskom poslovanju Policije u periodu 1. 1. - 31. 12. 2013. godine, nema značajnih neusaglašenosti s važećim zakonskim propisima kao i planiranim pozicijama budžeta.

Bez daljnjeg uticaja na naše mišljenje, skrećemo pažnju na činjenicu da Policija Brčko distrikta BiH nije blagovremeno inicirala postupke nabavke te je zbog hitnosti nabavki, preferirala manje transparentne postupke nabavke (detaljnije u tački 5.3. izvještaja).

Zamjenici glavne revizorke
Tomo Vozetić, dipl. oec.

Božo Zimonjić, dipl. oec.

Glavna revizorka
Dževida Hodžić, dipl. oec.

REZIME DATIH PREPORUKA

- *Potrebno je, pri realizaciji izdataka za kolektivno osiguranje radnika, poštivati odredbe Okvirnog sporazuma u dijelu perioda važenja usluga.*
- *Potrebno je dosljedno poštovati odredbe Zakona o javnim nabavka BiH, Instrukciju o postupku nabavke roba, obavljanja usluga i ustupanja radova u Brčko distriktu BiH i Interni pravilnik o postupku direktnog sporazuma za nabavku roba, usluga i radova za ugovorni organ Brčko distrikt BiH u dijelu određenog iznosa za nabavke po direktnom sporazumu, kao i koristiti transparentnije postupke nabavki.*
- *Potrebno je popis svih roba vršiti u skladu sa odredbama Upustva o radu popisnih komisija i obavljanja popisa potraživanja i obaveza.*

NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA POLICIJE BRČKO DISTRIKTA BiH ZA 2013. GODINU

1. UVOD

Obavili smo reviziju finansijskog poslovanja Policije za **2013.** godinu na osnovu ovlaštenja u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, broj 40/08). Ured za reviziju javne uprave i institucija u Brčko distriktu BiH ima prethodno iskustvo sa klijentom.

2. OPĆI DIO

Policija, u skladu sa Statutom Brčko distrikta BiH, Zakonom o policiji i drugim zakonskim i podzakonskim aktima, obavlja poslove iz svoje nadležnosti:

- Zaštite života i imovine;
- Zaštite ljudskih prava i sloboda građana zagarantovanih Ustavom BiH i Statutom Brčko distrikta BiH;
- Sprečavanja, otkrivanja i istraživanja krivičnih djela i prekršaja koji nisu u isključivoj nadležnosti drugih policijskih organa BiH,
- poslove i zadatke koji se odnose na održavanje javnog reda i mira,
- osiguranja određenih ličnosti i objekata u Distriktu,
- poslove i zadatke koji se odnose na održavanje javnih skupova,
- poslove sigurnosti saobraćaja na putevima Distrikta i drugi poslove u oblasti sigurnosti saobraćaja utvrđeni zakonom,
- poslove kontrole nabavke, držanja i nošenja oružja i municije i vođenja propisanih evidencija,
- druge poslove i zadatke koje Policiji povjeri tužilac Distrikta i druga tužilaštva u BiH,
- poslove koji se odnose na oblast proizvodnje, prometa i skladištenja eksplozivnih materija, koji su u nadležnosti Distrikta,
- poslove koji se odnose na rad agencija za zaštitu ljudi i imovine,
- provođenja propisa o oružju i municiji,
- inspeksijskog nadzor u oblastima iz svoje nadležnosti,
- upravnih i drugih stručnih poslova utvrđenih zakonom ili drugim propisima,
- drugih poslova i zadataka stavljenih u njenu nadležnost u skladu sa zakonom.

Planirani zadaci Policije izvršavani su kroz operativne, stručne, administrativne, pravne i druge aktivnosti, a kojima se obezbjeđuje: zaštita života i lična sigurnost građana, provođenje Ustava i zakona BiH, Statuta Brčko distrikta BiH kao i drugih zakona Brčko distrikta BiH, u cilju ostvarivanja zakonitog, blagovremenog i ekonomičnog izvršenja svih poslova iz nadležnosti Policije, postizanje potpunog korištenja svih resursa koji stoje na raspolaganju, potpune odgovornosti zaposlenika i maksimalno korištenje njihovih znanja i kvalifikacija, kao i unapređenja saradnje sa drugim policijskim agencijama i organima Brčko distrikta i Bosne i Hercegovine.

Poslovi Policije obavljaju se u okviru slijedećih organizacionih jedinica:

- Kabinet šefa policije;
- Jedinica opšte policije;
- Jedinica saobraćajne policije;
- Jedinica kriminalističke policije;
- Jedinica za istraživanje ratnih zločina;
- Jedinica za podršku;
- Operativno komunikacijski centar;

- Jedinica za profesionalne standarde;
- Jedinica za administrativnu podršku i logistiku.

3. PREDMET, CILJ I OBIM REVIZIJE

Predmet revizije je finansijsko poslovanje u **2013.** godini, u dijelu planiranja i izvršenja budžeta, ocjena sistema internih kontrola, kao i usklađenost poslovanja sa zakonskim i drugim relevantnim propisima.

Cilj revizije finansijskog poslovanja Policije je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje, obavljeno u skladu sa cjelokupnom zakonskom važećom regulativom Brčko distrikta BiH, kao i planiranim pozicijama budžeta. Pored toga revizija je planirana i izvršena sa ciljem pribavljanja realne osnove za ocjenu da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, te davanja preporuka za dalji rad sa posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

Revizija informiše javnost, nadležne organe i institucije o nalazima i preporukama, pravovremenim i javnim objavljivanjem revizorskog izvještaja.

Obim revizije je utvrđen internim planskim dokumentima revizije.

Obzirom da se revizija obavlja provjerama na bazi uzoraka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

4. OSVRT NA NALAZE I IMPLEMENTACIJA PREPORUKA REVIZIJE FINANSIJSKOG POSLOVANJA ZA 2012. GODINU

Na osnovu preporuka iz Izvještaja o obavljenoj reviziji finansijskog poslovanja za period 1. 1. -31. 12. 2012. godine, Policija je usvojila Akcioni plan za rješavanje primjedbi po navedenom izvještaju broj: 14.05/1-13-6511/13-1 od 17. 6. 2013. godine.

Policija je realizovala preporuke iz Izvještaja o obavljenoj reviziji finansijskog poslovanja za prethodnu godinu.

5. NALAZI I PREPORUKE

5.1 Rukovodstvo i sistem internih kontrola

Revizija obuhvata ocjenu sistema internih kontrola, sa naglaskom na funkcionisanje internih kontrola kroz realizaciju programa rada, planiranja i izvršenja budžeta, te usklađenost poslovanja sa zakonskim i podzakonskim aktima.

Na osnovu provedene revizije značajnih procesa poslovanja, izvršili smo procjenu uspostavljanja, funkcionisanja i nadzora sistema internih kontrola.

Nedostatak internih kontrola uočen je kod plaćanja premije osiguranja zaposlenih za period prvih pet mjeseci 2013. godine, iako za navedeni periodu nije bio zaključen okvirni sporazum.

Također, nedostatak interne kontrole uočen je kod popisa roba koji nije vršen u skladu s članom 2 stavom 3 Upustva o radu popisnih komisija i obavljanja popisa potraživanja i obaveza.

Nabavke putem direktnog sporazuma vršene su iz tekućeg i kapitalnog budžeta u iznosu većem od 10% od ukupnog budžeta za nabavke, što nije u skladu sa članom 45 Zakona o javnim nabavkama BiH, članom 12 Instrukcije o postupku nabavke roba, obavljanja usluga i ustupanja radova u Brčko distriktu BiH i članom 9 Internog pravilnika o postupku direktnog sporazumu za nabavku roba, usluga i radova za ugovorni organ Brčko distrikt BiH.

5.2. Planiranje i izvršenje tekućeg budžeta

Tekući budžet Policije za **2013.** godinu planiran je u iznosu od **10.479.644,90 KM**, a realizovan je u iznosu od **10.046.238,16 KM**, odnosno **95,86 %** od plana (Tabela 1).

Doprinosi na teret poslodavca planirani su u iznosu od 838.727,68,35 KM, a realizovani u iznosu od 805.725,04 KM, odnosno 96,07% od planiranog iznosa.

Sredstva za nabavku materijala i sitnog inventara planirana su u iznosu od 268.600,00 KM, a realizovana u iznosu od 246.545,94 KM, odnosno 91,79 % od planiranog.

Sredstava za unajmljivanje imovine i opreme planirana su u iznosu od 6.300,00 KM, a realizovana u iznosu od 5.588,40 KM, odnosno 88,70% od planiranog iznosa.

Izdaci za osiguranje, bankarske usluge i usluge platnog prometa planirani su u iznosu od 39.300,00 KM, a realizovani u iznosu od 38.071,75 KM ili 96,87 % plana.

U okviru ovih izdataka realizirani su izdaci za kolektivno osiguranje zaposlenika, u iznosu od 27.396,84 KM. Uslugu osiguranja pružilo je osiguravajuće društvo Uniqa osiguranje d.d. Sarajevo poslovna jedinica Tuzla, na osnovu Ugovora o pružanju usluga broj 14.05/1-13-4863/13-1 od 23.07.2013. godine, kojim je regulisano pružanje usluga u periodu od 1. 1. - 31. 12. 2013. godine.

Ugovor je zaključen na osnovu Okvirnog sporazuma između Brčko distrikta BiH i davaoca usluge osiguranja. Okvirni sporazum je zaključen za period 01.01.-31.12.2013. godine, računajući od dana njegovog obostranog potpisivanja, odnosno od 24.05.2013. godine. Za period od januara do maja Odjeljenje je platilo osiguravajućem društvu 9.141,14 KM, iako navedeni period nije bio obuhvaćen Okvirnim sporazumom.

Obzirom da je Okvirni sporazum zaključen 24.05.2013. godine i po odredbama člana 3 istog primjenjuje se od dana njegovog obostranog potpisivanja, smatramo da su usluge kolektivnog osiguranja zaposlenih plaćane za period koji nije obuhvaćen Okvirnim sporazumom.

Potrebno je, pri realizaciji izdataka za kolektivno osiguranje radnika, poštivati odredbe Okvirnog sporazuma u dijelu perioda važenja usluga.

Sredstva za ugovorene usluge planirana su iznosu od **115.611,50 KM**, a realizovana u iznosu od 101.021,74 KM, odnosno 87,38% od planiranog tekućeg budžeta.

Grantovi pojedincima planirani su u iznosu od 80.000,00 KM, a realizovani u iznosu od 21.320,25 KM, odnosno 26,65 % od planiranog iznosa.

Navedena sredstva nije moguće precizno planirati jer se ista odnose na specifične izdatke propisane Pravilnikom o korištenju sredstava za specijalne izdatke Policije Brčko distrikta BiH broj. 14-05-1767/07 od 24. 8. 2007. godine.

5.3. Nabavka po direktnom sporazumu

Uvidom u mjesečne izvještaje dostavljene Pododjeljenju za javne nabavke, u toku 2013. godine utvrdili smo da je Policija za nabavke po direktnom sporazumu realizovala 256.807,88 KM. U pregledu sačinjenog od strane Ureda za kontrolu budžeta navedeno je da je Policija u 2013. godinu za nabavke po direktnom sporazumu, od budžeta planiranog za Izdatke za materijal i usluge u iznosu od 1.261.536,50 KM utrošila 193.919,50 KM odnosno 15,37 % planiranog budžeta za navedenu poziciju. Razlika u iznosu od 62.888,38 KM (256.807,88-193.919,50) odnosi se na nabavke dijela računarske opreme i policijskih rekvizita po direktnom sporazumu iz kapitalnog budžeta. Policija se prilikom nabavke službenim zabilješkama pozivala na hitnost potreba za navedenom opremom. Revizijom smo utvrdili da je Policija po direktnom sporazumu nabavila dio računarske opreme i policijskih rekvizita čija nabavka je planirana kapitalnim budžetom za 2011. i 2012. godinu.

Na osnovu navedenog smatramo da je Policija gore navedenu opremu trebala nabavljati putem transparentnijih postupaka predviđenih Zakonom o javnim nabavkama BiH.

Osim navedenog, Policija je prilikom nabavki po direktnom sporazumu prekoračila iznos od 10% ukupnog budžeta za nabavke, što nije u skladu sa članom 45 Zakona o javnim nabavkama BiH, članom 12 Instrukcije o postupku nabavke roba, obavljanja usluga i ustupanja radova u Brčko distriktu BiH i članom 9 Internog pravilnika o postupku direktnog sporazumu za nabavku roba, usluga i radova za ugovorni organ Brčko distrikt BiH.

Potrebno je dosljedno poštovati odredbe Zakona o javnim nabavka BiH, Instrukciju o postupku nabavke roba, obavljanja usluga i ustupanja radova u Brčko distriktu BiH i Interni pravilnik o postupku direktnog sporazuma za nabavku roba, usluga i radova za ugovorni organ Brčko distrikt BiH u dijelu određenog iznosa za nabavke po direktnom sporazumu, kao i koristiti transparentnije postupke nabavki.

5.4. Planiranje i izvršenje kapitalnog budžeta

Kapitalni budžet 2011.-2013. godina iznosi 2.082.218,20 KM, a realizovan je u iznosu od 1.091.863,27 KM ili 52,44 % plana.

Planom budžeta za 2013. godinu Policiji je odobren je kapitalni budžet u iznosu od 946.060,00 KM, a izvršenje na dan 31.12.2013. godine iznosi 61.783,16 KM, što predstavlja 6,53 % od planiranog (tabela broj 2. u prilogu).

5.5. Popis sredstava

Policija je 29.11.2013. godine donijela Odluke o imenovanju popisnih komisija:

- za popis stalnih sredstava i obaveza prema izvorima sredstava koje koristi Policija,
- za popis oružja i municije, uniformi i opreme Policije, oduzetog oružja, municije i druge opreme, porto blagajne i specijalne blagajne, obrazaca, platnih naloga, oružanih listova i drugih vrijednosnih obrazaca i papira,
- za popis zgrada, vozila, opreme za vozila, alata, uređaja, goriva i maziva mehaničarske radionice, opreme kriminalističke tehnike, uređaja i opreme veze koje koristi Policija,
- za popis kancelarijskog i drugog namještaja, kancelarijske opreme, sitnog inventara i ostale slične opreme.

Centralna popisna komisija je na osnovu izvještaja pojedinačnih popisnih komisija dana 15.01.2014. godine, sačinila Izvještaj za popis imovine koju koristi Policija na dan 31.12.2013. godine. Popisom je usaglašeno knjigovodstveno i stvarno stanje imovine.

Revizijom smo utvrdili da popis higijenske potrošne robe nije vršen utvrđivanjem stvarnih količina roba (prebrojavanjem stvarnog stanja u magacinima, kao npr. materijal za čišćenje). Popisne liste ne sadrže robe po količini i vrstama nego su evidentirani ukupni iznosi po računima, odnosno u novcu po izvršenim nabavkama. Popis je izvršen formalno, odnosno unošenjem u popisne liste stanja iz knjigovodstvene evidencije, a ne utvrđivanjem činjeničnog stanja na licu mjesta, što nije u skladu sa članom 2 stav 3 Uputstva o radu popisnih komisija i obavljanja popisa potraživanja i obaveza.

Potrebno je popis svih roba vršiti u skladu sa odredbama Uputstva o radu popisnih komisija i obavljanja popisa potraživanja i obaveza.

6. KOMENTAR

Odjeljenju je uručen Nacrt Izvještaja o reviziji finansijskog poslovanja za 2013.godinu broj:01-02-03-13-170/14 na razmatranje i dostavljanje eventualnih novih dokaza i komentara na nalaze revizije.

U ostavljenom roku od 15 dana, Policija se očitovala dopisom broj: 14.04.1-13-1613/14 od 2. 6. 2014. godine i dostavila primjedbe na nalaze sadržane u Nacrtu izvještaja o reviziji.

Primjedba u vezi sa tačkom 5.2. koja se odnosi na usluge kolektivnog osiguranja radnika nisu prihvaćene zbog toga što je plaćanje istih izvršeno za period januar-maj 2013. godine, a aneks okvirnog sporazuma je zaključen 6. 6. 2013. godine, odnosno nakon datuma nastale i naplaćene obaveze za prvih pet mjeseci 2013. godine.

Primjedba u vezi s tačkom 5.3. koja se odnosi na iznos za nabavke po direktnom sporazumu nije prihvaćena. Planom nabavki za 2013. godinu Policija je planirala tekući budžet za nabavke u iznosu od

768.860,00 KM i kapitalni budžet u iznosu od 1.480.091,44 KM, što u zbiru iznosi 2.248.951,44 KM. Na osnovu navedenog plana nabavki Policija je mogla utrošiti 10% odnosno 224.895,14 KM.

Obzirom, da procesi nabavki nisu inicirani pravovremen, nego su se pravdali hitnošću, smatramo da su se u pojedinim slučajevima mogli koristiti transparentniji postupci.

Primjedba u vezi s tačkom 5.5. je prihvaćena i ugrađena u konačan izvještaj o reviziji.

Tim za reviziju

Envera Imamović, dipl. oec.

Amra Ilić, dipl. oec.

Tatjana Pavlović-Klašnić, dipl. iur.

PRILOZI

Struktura planiranih i izvršenih tekućih izdataka za 2013. godinu, po pozicijama Policije Distrikta prikazana je u sljedećoj tabeli:

Tabela broj 1

Ekon. kod	Naziv ekonomskog koda	Izvršenje tekućeg budžeta sa 31.12.2012. god.	Planirani tekući budžet 31.12.2013. god.	Izvršenje tekućeg budžeta sa 31.12.2013. god.	Indeks u odnosu na plan (6/5)x100	Indeks u odnosu na prethodnu godinu (6/4)x100
1	2	3	4	5	6	7
611100	Bruto plate	7.766.089,20	8.140.657,65	7.895.314,82	96,99	101,66
611200	Naknade troškova zaposlenih	99.132,77	155.123,07	142.219,69	91,68	143,46
611000	PLATE I NAKNADE TROŠKOVA ZAPOSLENIH	7.865.221,97	8.295.780,72	8.037.534,51	96,89	102,19
612100	Doprinos na teret poslodavca	696.913,42	838.727,68	805.725,04	96,07	115,61
613100	Putni troškovi	76.571,29	81.600,00	77.300,07	94,73	100,95
613200	Izdaci za energiju	94.052,59	84.000,00	82.851,25	98,63	88,09
613300	Izdaci za komun. usluge	116.487,51	120.400,00	104.642,05	86,91	89,83
613400	Nabavka materijala	245.775,45	268.600,00	246.545,94	91,79	100,31
613500	Izdaci za usl. prev. i goriva	266.487,83	274.000,00	267.373,59	97,58	100,33
613600	Iznajmljivanje imov. i opre.	16.771,65	6.300,00	5.588,40	88,70	33,32
613700	Izdaci za tekuće održavanje	266.878,16	275.325,00	258.263,57	93,80	96,77
613800	Izdaci osigur., bank. usluge i usl. platnog prometa	47.767,27	39.300,00	38.071,75	96,87	79,70
613900	Ugovorene usluge	108.371,21	115.611,500	101.021,74	87,38	93,22
613000	Izdaci za materijal i usluge	1.239.162,96	1.265.136,50	1.181.658,36	93,40	95,36
614200	Grantovi pojedincima	39.247,80	80.000,00	21.320,25	26,65	54,32
	Ukupan tekući budžet	9.840.546,15	10.479.644,90	10.046.238,16	95,86	102,09

Budžet kapitalnih potreba

Tabela br. 2

God.	Planirani kapitalni budžet	Izvršeno u 2011. godini	Izvršenje kapitalnog budžeta u 2012.	Izvršenje kapitalnog budžeta u 2013.	Izvršeno na dan 31.12.2013. godine (3+4+5)	% izvršenja na dan 31.12.2013. (6/2) x 100)
1	2	3	4	5	6	7
2011.	740.706,29	519.775,54	105.863,85	101.675,90	727.315,29	98,19
2012.	395.451,91	0,00	49.512,17	253.252,65	302.764,82	76,56
2013.	946.060,00	0,00	0,00	61.783,16	61.783,16	6,53
Ukupno:	2.082.218,20	519.775,54	675.151,56	416.711,71	1.091.863,27	52,44